

LÖG HÉRAÐSSAMBANDS SNÆFELLSNESS- OG HNAPPADALSSÝSLU

1. KAFLI

TILGANGUR OG HLUTVERK

1. GREIN

Sambandið heitir Héraðssamband Snæfellsness- og Hnappadalssýslu, skammstafað HSH. Heimili þess og varnarþing er Snæfellsnes- og Hnappadalssýsla.

2. GREIN

Héraðssamband Snæfellsness- og Hnappadalssýslu er samtök ungmenna- og íþróttafélaga á starfssvæði Byggðasamlags Snæfellinga. Tilgangur HSH er að hafa forystu um sameiginleg hagsmunamál aðildarfélaganna, efla samvinnu þeirra, svo og að vera fulltrúi þeirra utan héraðs sem innan.

3. GREIN

Hlutverk héraðssambandsins er:

- a. að gæta hagsmuna íþróttahreyfingarinnar innan héraðsins og vera málsvari hennar gagnvart opinberum aðilum, innan héraðs og utan.
- b. að staðfesta lög aðildarfélaga, halda utan um staðfest lög þeirra og skila yfirliti til ÍSÍ yfir þau í lok hvers árs.
- c. að stuðla að fræðslu og bættri lýðheilsu meðal íþróttaiðkenda og íbúa í héraði.
- d. að vinna að jafnrétti allra.
- e. að stjórna sameiginlegum íþróttamálum héraðsins í samræmi við íþróttalög, lög ÍSÍ og UMFÍ og vera fulltrúi aðildarfélaganna gagnvart ÍSÍ og UMFÍ.
- f. að varðveita og skipta milli félaganna því fé, sem til þess hefur verið veitt eða því falið að ráðstafa.
- g. að hafa frumkvæði um eflingu íþróttastarfsins innan héraðs.
- h. að fylgjast með því að starfsemi aðildarfélaga fari fram skv. gildandi lögum þeirra og íþróttahreyfingarinnar í heild.
- i. að annast skýrslugerðir varðandi íþróttamál í héraði.

- j. að hafa forystu um sameiginlega hagsmuni, félagsmál og að efla samvinnu íþróttafélaga innan héraðs og iðkenda þeirra.
- k. að tilkynna til ÍSÍ, UMFÍ og viðkomandi sérsambands stofnun nýrra félaga.

2. KAFLI

RÉTTINDI OG SKYLDUR AÐILDARFÉLAGANNA

4. GREIN

Öll félög, sem vinna að sömu markmiðum og HSH og hafa aðsetur í Snæfellsnes- og Hnappadalssýslu, hafa rétt til að sækja um aðild að sambandinu fullnægi þau þeim skilyrðum sem sett eru á hverjum tíma.

5. GREIN

Skilyrði fyrir inngöngu í héraðssambandið eru:

- a. Félagið vinni að sömu markmiðum og HSH.
- b. Að félagið sendi lög sín, skýrslur um stofndag, félagafjölda og stjórn félagsins til stjórnar HSH og að lögin séu í samræmi við lög og reglur HSH, ÍSÍ og UMFÍ.
- c. Umsókn um aðild skal lögð fram á næsta héraðsþingi HSH.
- d. Þegar félag hefur uppfyllt öll ákvæði og skyldur, nýtur það þegar keppnisréttar á mótum HSH, en annarra réttinda nýtur félagið ekki fyrr en sex mánuðum eftir að héraðsþing HSH hefur samþykkt inngöngu þess í sambandið.

6. GREIN

Öllum aðildarfélögum er skylt að halda skrá yfir félaga sína. Í skránni skal standa nafn, kennitala og hvenær viðkomandi gekk í félagið. Aðildarfélögin skulu senda HSH afrit og breytingar á skránni með starfsskýrslum.

7. GREIN

Héraðsþing HSH ákveður skattgreiðslur félaga. Skatt þurfa félög að inna af hendi til HSH fyrir árslok ár hvert og miðast skattgreiðslur við tölu félaga, 18 ára og eldri, eins og þeir voru í skýrslu síðastliðins árs. Skýrslu- og reikningsár HSH er almanaksárið.

8. GREIN

Aðildarfélög HSH skulu halda aðalfund eigi síðar en 15. mars ár hvert. Senda skal ársskýrslu og samþykkt ársreikninga til stjórnar HSH eigi síðar en 17. mars ár hvert. Aðildarfélög skulu notast við ársskýrslu- og ársreiknings skapalón sem HSH leggur til eða skila ársreikningum á ítarlegra formi ef þau kjósa svo.

9. GREIN

Vanræki aðildarfélag að halda aðalfund fyrir tilsettan tíma, hefur stjórn HSH heimild til að láta yfirfara bókhald, skoða reikninga, boða til aðalfundar og annast framkvæmd hans. Hafi félag ekki sent ársskýrslur inn fyrir 17. mars missir það atkvæðisrétt sinn á næsta héraðsþingi HSH. Jafnframt skal HSH halda eftir greiðslum til félagsins samkvæmt grein 3.f. þar til félagið hefur uppfyllt skilyrði aðildar samkvæmt 2. kafla laga HSH þó ekki lengur en 3 ár.

10. GREIN

Ef félag telst óvirkt í 3 ár, heldur ekki aðalfund eða skilar ársskýrslum á þeim tíma skal stjórn leggja fram tillögu á héraðsþingi HSH um að færa félagið á lista yfir óvirk aðildarfélög. Sé félag á lista yfir óvirk félög missir það allan rétt til greiðslna frá sambandinu og skal ekki tekið með við útreikning á slíkum greiðslum. Óvirku félagi ber ekki skylda til að greiða gjöld til sambandsins.

11. GREIN

Vilji félag ganga úr sambandinu skal það senda skriflega úrsögn sem tekin er fyrir á næsta héraðsþingi. Félag sem gengur úr sambandinu getur ekki krafist endurgjalds á fé sem það hefur lagt til sambandsins og losnar ekki undir skuldum sínum við sambandið með úrsögn.

3. KAFLI

STJÓRN HSH

12. GREIN

HSH er stjórnað af þessum aðilum:

- a. Héraðsþingi
- b. Stjórn

13. GREIN

Héraðsþing HSH er fulltrúaþing og hefur hvert félag rétt til að senda:

2 fulltrúa fyrir fyrstu 100 félagsmenn

3 fulltrúa fyrir hverja 101 – 300 félagsmenn

4 fulltrúa fyrir hverja 301 og fleiri félagsmenn

Þingfulltrúar skulu skráðir á kjörbréf sem stjórn HSH leggur til.

Stjórnarfolk HSH er sjálfkjörið sem þingfulltrúar með atkvæðisrétt, málfrelsi og tillögurétt.

14. GREIN

Héraðsþing HSH skal halda fyrir 15. apríl ár hvert. Til þess skal boða með tölvupósti eða öðrum rafrænum hætti með 30 daga fyrirvara. Síðara fundarboð skal senda með eigi minna en einnar viku fyrirvara stjórnnum allra aðildarfélaga og sérráða HSH og skal fylgja því dagskrá þingsins svo og framkomnar tillögur um lagabreytingar og önnur mál. Héraðsþing er löglegt sé löglega til þess boðað og helmingur kjörinna fulltrúa mættur.

15. GREIN

Á héraðsþingi HSH eiga sæti fulltrúar þeir sem aðildarfélögin hafa kjörið til þingsetu eftir ákvæðum 13. greinar. Heimild til þingsetu með tillögurétti og málfrelsi hafa, auk stjórnar HSH, fulltrúar frá landssamtökum og sársamböndum, sem HSH á aðild að, svo og fulltrúar ríkis, sveitarfélaga og sýslu um æskulýðs- og íþróttamál.

16. GREIN

Tilhögun héraðsþingsins skal vera þessi:

1. Þingsetning
2. Tilnefning þingforseta, varaþingforseta og tveggja þingritara
3. Skipun kjörbréfanefndar
4. Skýrsla stjórnar
5. Lagðir fram skoðaðir reikningar
6. Umræður um skýrslu stjórnar og reikninga
7. Álit kjörbréfanefndar
8. Reikningar lagðir fram til samþykktar
9. Ávörp gesta
10. Fjárhagsáætlun lögð fram
11. Framkomnar tillögur lagðar fram og vísað til nefnda
12. Nefndastörf
 - a. Fjárhagsnefnd
 - b. Íþróttanefnd
 - c. Allsherjar- og laganefnd
13. Nefndaálit, umræður og atkvæðagreiðslur
14. Kosningar samkvæmt 19. grein:
 - a. Formaður HSH
 - b. Aðrir í stjórn og varastjórn
 - c. Tveir skoðunarmenn og tveir til vara
 - d. Ráð og nefndir skv. gildandi samþykktum og reglugerðum
 - e. Uppstillinganefnd, 4 af formönnum aðildarfélaga HSH, sem starfar fram að næsta héraðsþingi
 - f. Kosning fulltrúa á Íþróttþing ÍSÍ
15. Önnur mál
16. Þingslit

Öllum meiriháttar málum skal vísað til nefnda. Fjárhagsnefnd skal fjalla um reikninga, reikningsyfirlit og fjárhagsáætlun næsta árs.

17. GREIN

Við atkvæðagreiðslu almennra mála á héraðsþingi HSH og í kosningum ræður einfaldur meirihluti atkvæða viðstaddra atkvæðisbærra fulltrúa, en til lagabreytinga þarf 2/3 hluta sömu fulltrúa. Lögum sambandsins má eigi breyta nema á héraðsþingi.

18. GREIN

Aukafing skal halda ef:

- a. Tilmæli koma frá stjórnnum landssamtaka.
- b. Tilmæli koma frá a.m.k. 2/5 sambandsaðildarfélaganna.

Allir boðunar- og tilkynningafrestir til aukafings mega vera helmingi styttri en til reglulegs þings. Fulltrúar á aukafingi eru þeir sömu og voru á næsta reglulega þingi á undan og gilda sömu kjörbréf. Þó má velja að nýju í stað fulltrúa sem er látinn, veikur eða forfallaður á annan hátt. Á aukafingi má ekki gera laga- eða reglugerðarbreytingar nema þær sem framkvæmdastjórn ÍSÍ leggur til. Þá má ekki kjósa stjórn nema bráðabirgðastjórn, ef meirihluti kjörinnar aðalstjórnar hefur sagt af sér eða hætt störfum af öðrum orsökum eða stjórnin hefur að eigin dómi orðið óstarfhæf. Að öðru leyti gilda um það sömu reglur og um reglulegt héraðsþing.

19. GREIN

Stjórn HSH er skipuð fimm fulltrúum. Formaður, varaformaður, gjaldkeri og tveir meðstjórnendur sem kjörnir eru af Héraðsþingi HSH. Kosinn skal formaður til eins árs í senn en aðrir stjórnarmenn til tveggja. Formenn aðildarfélaga HSH skipti með sér setu í varastjórn, fjórir formenn, eitt ár í senn.

- a. Formaður HSH til eins árs.
- b. Fjórir stjórnarmenn til tveggja ára, tveir í senn.
- c. Tveir skoðunarmenn og tveir til vara.

20. GREIN

Aðildarfélögum HSH er heimilt að stofna sér ráð um íþróttagreinar og samstarf.

21. GREIN

Á milli ársþinga eru störf og framkvæmdavald í höndum stjórnar HSH. Stjórnin annast daglegan rekstur, ráðningu framkvæmdarstjóra og eftir atvikum annað starfsfólk. Stjórn HSH getur skipað nefndir innan sinna vébanda til þess að sjá um framkvæmd einstakra málefna. Einnig getur hún falið félagi ákveðin verkefni, sem því er skylt að leysa af hendi svo vel sem því er unnt. Stjórn HSH skal semja fyrirfram við viðkomandi félag um skiptingu kostnaðar vegna verkefnisins.

Stjórn HSH skal boða formenn allra aðildarféлага og deilda þeirra til fundar eigi sjaldnar en tvisvar á ári, ásamt formönnum einstakra nefnda þegar ástæða þykir til. Skylt er formönnum að senda fulltrúa í sinn stað geti þeir ekki mætt.

Atkvæðisrétt á formannafundum hafa stjórn sambandsins og fulltrúar félaga en nefndarmenn aðeins ef um sérmálefni þeirra er að ræða. Aldrei fer þó einn og sami einstaklingur nema með eitt atkvæði.

22. GREIN

Stjórn HSH skal skylt að senda sambandsfélögum sínum afrit af öllum fundum sínum, svo og skýrslur af mótum sambandsfélaganna.

23. GREIN

Komi fram tillaga um að sambandinu skuli slitið eða það sameinað öðrum skal hún tekin fyrir á sérstökum fundi sem stjórnin boðar til með sama hætti og aðalfund. Fundurinn er ályktunarhæfur ef minnst helmingur þingfulltrúa samkvæmt 13. grein laga HSH sækir fundinn og tillagan fær gildi ef 2/3 fundarmanna samþykkja hana. Mæti ekki nægilega margir skal boða til fundar á ný og halda hann innan þriggja vikna. Sá fundur er ályktunarhæfur án tillits til fundarsóknar og fær tillagan gildi ef 2/3 fundarmanna samþykkja hana. Verði HSH lagt niður eða sameinað öðrum, skiptast eigur þess milli aðildarféлага eftir stærð þeirra, 34% eftir fjölda deilda, 33% eftir fjölda iðkenda og 33% eftir fjölda félagsmanna.

Lögum þessum breytt 7. apríl 2025 og öðlast gildi eftir að framkvæmdastjórn ÍSÍ staðfestir breytingar.

Lögum þessum breytt 11. apríl 2024 og öðlast þegar gildi.